



**АКАФИСТ**  
**святой преподобномученице**  
**Великой Княгине**  
**Елисавете**



По благословению архиепископа  
Екатеринбургского и Верхотурского Викентия



**АКАФИСТ**  
**СВЯТОЙ ПРЕПОДОБНОМУЧЕНИЦЕ**  
**ВЕЛИКОЙ КНЯГИНЕ**  
**РОССИЙСКОЙ ЕЛИСАВЕТЕ**

В память о пребывании в пределах  
Екатеринбургской епархии честных мощей  
святых преподобномучениц Великой  
Княгини Елисаветы и инокини Варвары  
в октябре 2004 года

## **Тропарь, глас 1**

Смирением достоинство княжеское сокрывши, богомудрая Елисавето, сугубым служением Марфы и Марии Христа почтила еси. Милосердием, терпением и любовью себе предпочистивши, яко жертва праведная Богу принеслася еси. Мы же, чтуще добродетельное житие и страдания твоя, яко истинную наставницу усердно просим тя: святая мученице Великая Княгине Елисавето, моли Христа Бога спасти и просветити души наша.

## **Кондак, глас 5**

От славы царственныя, взявши Крест Христов, прешла еси к славе небесней, молящи за врагов, и обрела еси радость вечную, святая мученице княгине Елисавето, с Варварою мученицею. Темже молим вас, молитесь о душах наших.

## **Величание**

Величаем вас, святити страстотерпицы Елисавето и Варваро, и чтим честная страдания ваша, яже за Христа претерпели есте.

# АКАФИСТ

## СВЯТОЙ ПРЕПОДОБНОМУЧЕНИЦЕ

### ВЕЛИКОЙ КНЯГИНЕ РОССИЙСКОЙ ЕЛИСАВЕТЕ

#### Кондак 1

Избранная от рода державнаго дочь Российская, любовию изобильною и милосердием Богу и ближним добре послужившая, за веру во Христа Господа нашего душу свою положившая и венцем славы Христовы украшенная, восхваляем подвиги и страдания твоя, с любовию воспевающе ти сице: Радуйся, святая преподобномученице Елисавето, красото Церкви Российской, невестою Христовою быти удостоенная.

#### Икос 1

Ангельскою любовию Христа возлюбившая и Тому Единому служить желавшая, измлада матерью твоею поучаемая, в трудах, молитвах и милостыни образ добродетелей явила еси. По кончине же матери твоея и ближних сродников крестный путь, Господем заповеданный уразумела еси. Темже дивящися таковому от юности твоему избранию, со умилением взываем ти:

Радуйся, от юности Христа возлюбившая; радуйся, Христова агнице избранная.

Радуйся, от родителей семена веры приимшая; радуйся, в страхе Божии ими воспитанная.

Радуйся, добродетели матери твоея унаследившая;



радуйся, трудолюбию и милосердию ею наученная.  
Радуйся, сердцем в Бозе утвержденная;  
радуйся, с верою и упованием понесшая крест твой  
и Христу последовавшая.

Радуйся, земли отечества твоего цвете благоуханный;  
радуйся, чистотою жизни твоя небеса возвеселившая.  
Радуйся, избранная Богом на служение страждущим;  
радуйся, молитвеннице наша пред Богом.

Радуйся, святая преподобномученице Елисавето,  
красото Церкви Российской, невестою Христовою  
быти удостоенная.

## **Кондак 2**

Виде Господь благое сердца твоего изволение, яко  
от юности возжелела еси житие проводить во благо-  
честии и чистоте, к небесней красоте очи сердца тво-  
его устремляющи и огонь любви к Богу в себе воспа-  
меняющи. Молитвами твоими и наша сердца любовью  
к Богу просвети, да с тобою воспоем Ему: Аллилуиа.

## **Икос 2**

Разумом свыше просвещаемая, святая Елисавето, не  
убоялася еси оставить отечество, род и дом отца тво-  
его и в новое отечество вселиться, егда браком соче-  
талася еси с российским Великим Князем Сергием, да  
с ним Богу послужиши, и вкупе с супругом твоим в  
целомудрии пожила еси, истинную любовь к людем  
российским показующи. Мы же с любовью взываем  
ти сице:

Радуйся, славная от земли Запада пришелице;  
радуйся, новую Отчизну – землю Российскую обретшая.

Радуйся, благоверная княгине, стране нашей верно послужившая;

радуйся, в добрых делах наших наставнице.

Радуйся, в супружестве в любви и целомудрии прожившая;

радуйся, яко супругу твоему в делах благих помощница была еси мудрая.

Радуйся, супругом благочестивым покровительнице; радуйся, материнскою любовью нас согревающая.

Радуйся, заповеди Господни исполнити возжелавшая;

радуйся, ревность по Бозе в сердцах наших воспаляющая.

Радуйся, красотою душевною и телесною всех возрадовавшая;

радуйся, всего мира христианского украшение.

Радуйся, святая преподобномученице Елисавето, красото Церкви Российския, невестою Христовою быти удостоенная.

### **Кондак 3**

Силою Божественных благодати во спасение умудренная, разумом твоим познала еси веру истинную, княгине милостивая Елисавето, и во Святей Земле пребывающи, утвердилася еси в желании прияти Православие, воспевающи просветившему тя Богу: Аллилуиа.

### Икос 3

Имущи сердце, добрей земле подобящееся, веру Православную удобь восприяла еси, темже святаго Миропомазания и Причащения Святых Христовых Тайн в праздник Воскрешения праведнаго Лазаря сподобилася еси. Мы же, славяще просвещение твоё благодатию Святаго Духа, величаем тя:

Радуйся, в день Воскрешения праведнаго Лазаря веру Православную приявшая;

радуйся, плоде благословенный Российския земли.

Радуйся, Миропомазанием Святаго Духа запечатленная;

радуйся, во Православии имя, данное ти от рождения, сохраняя.

Радуйся, святей праведней Елисавете тезоименитая;

радуйся, яко тоя житию усердно в подвизех подражала еси.

Радуйся, сыновом Запада путь к истинней вере показующая;

радуйся, яко благочестивии людие земли Российския память твою любовьию чтут.

Радуйся, милостивая мати, милость у Владыки и Господа обретшая;

радуйся, и о нашем помиловании усердно молящаяся.

Радуйся, свет Божественный в сердце своем носившая;

радуйся, тьму жизни наша светом Христовых заповедей озаряющая.

Радуйся, святая преподобномученице Елисавето, красото Церкви Российския, невестою Христовою быти удостоенная.



## Кондак 4

Буря злобы врага рода человеческого не поколеба тя, святая, егда благоверный супруг твои мученически смерть претерпе, емуже сострадаючи, велие мужество и христианскую любовь явила еси. Ангели же душу супруга твоего возносяще, пояху: Аллилуиа.

## Икос 4

Слышавше российстии людие о убиении благовернаго князя Сергия, моляху Бога, да укрепит тя, святая Елисавето, в несении скорби сея. Ты же, жертвенною любовью укрепляема, в темнице убийцу супруга твоего посетила еси, к покаянию его подвизаючи и молитвы возносящи ко Господу о прощении его. Сего ради приими от нас, недостойных, похвалы сия:

Радуйся, заповедь Христову о любви ко врагом исполнившая;

радуйся, убийцу супруга твоего евангельски простившая.

Радуйся, мнози скорби и беды претерпевшая;

радуйся, бремя скорбей и печалей нести нам помогающая.

Радуйся, заблуждших на путь истины и покаянияставляющая;

радуйся, о спасении грешников теплая ходатаице.

Радуйся, во тьме печалей светом надежды нас озаряющая;

радуйся, путеводная звезда всем чающим спасения.

Радуйся, окамененныя сердца наша во умиление  
приводящая;

радуйся, во всякой скорби нашей ко Христу за ны  
теплая молитвеннице.

Радуйся, злобу мира добром побеждавшая;

радуйся, людем Российским любовь истинную по-  
казавшая.

Радуйся, святая преподобномученице Елисавето,  
красото Церкви Российския, невестою Христовою  
быти удостоенная.

### **Кондак 5**

Боготечною звездою возсияла еси в земли Рос-  
сийстей, святая Елисавето, егда богатство и славу  
яко прах вменивши, в руке Божии жизнь свою пре-  
дала еси, да послужиши Ему постом и молитвою,  
и к страждущим явила еси велию любовь и мило-  
сердие. Тако и путь жития нашего светом доброде-  
телей твоих озари, да радостно возопиим Богу:  
Аллилуиа.

### **Икос 5**

Видевше тя людие богоспасаемаго града Москвы  
дивную устроительницу обители Милосердия, возра-  
довашася, яко мнози жены и девы российския обрето-  
ша zde тихое и душеспасительное пристанище, под-  
ражающе святым женам-мироносицам Марии и Марфе  
в служении Богу и ближним. Сего ради, прославляю-  
ще тя, глаголем сие:

Радуйся, во славе земней суету мирскаго жития уразумевшая;

радуйся, имение свое раздавшая и нищету Христову возлюбившая.

Радуйся, град Москву обителию дивною украсившая;

радуйся, благое иго Христово на себе восприимшая.

Радуйся, многия жены и девы во обитель Милосердия приведшая;

радуйся, мудрая управительнице во спасение сестер твоих.

Радуйся, служению святых жен-мироносиц Марфы и Марии подражавшая;

радуйся, обители твоя неусыпная хранительнице.

Радуйся, в подвиге жизни духовныя нас утверждающая;

радуйся, путь от земли на небо нам показующая.

Радуйся, светило милосердия, над градом Москвою восшедшее;

радуйся, всех отдавших жизнь на служение ближним покровительнице.

Радуйся, святая преподобномученице Елисавето, красото Церкви Российския, невестою Христовою быти удостоенная.

## **Кондак 6**

Проповедницею любви Божественныя и милосердия Его и ревнительницею благочестия была еси в

земли нашей, святая Елисавето, в сердцах людей российских любовь ко Господу и милосердие к братьям и сестрам нашим в бедах сущим возгреваящи, да и мы твоим заветом последствующе воспоим Богу: Аллилуиа.

## Икос 6

Возсияла еси светом добродетельнаго жития в стране Российстей, преподобная мати наша Елисавето, во образе иночестем в посте и воздержании, в ночных бдениях и пениях молебных пожила еси, благочестию и смирению сестры обители твоея поучаючи, да и мы, тобою на путь тесный подвига духовнаго наставляеми, ублажаем тя:

Радуйся, путь иноческаго равноангельнаго жития избравшая;

радуйся, обетом целомудрия чистоту сердца твоего явившая.

Радуйся, обетом нестяжания высоту духа твоего показавшая;

радуйся, обетом послушания Богу и ближним послужившая.

Радуйся, мудрая княгине и инокине пречестная;  
радуйся, во образ женам христианским свыше предназначенная.

Радуйся, постом, бдением и непрестанными молитвами Богу угодившая;

радуйся, от сна греховнаго души наша пробуждающая.



Радуйся, ко исполнению заповеди о любви к Богу и ближним всех наставляющая;

радуйся, молитве сердечней нас научающая.

Радуйся, наставнице инокиням и собеседнице Ангелом;

радуйся, в сонме преподобных жен на небеси прославленная.

Радуйся, святая преподобномученице Елисавето, красото Церкви Российския, невестою Христовою быти удостоенная.

### **Кондак 7**

Хотящи волю Господню разумети, святая Елисавето, всецело предала еси себе в послушание старцем Гавриилу Спасо-Елеазаровскому, Алексею Зосимовскому, такожде и другия богомудрыя старцы вопрошала еси, ничтоже без их благословения творящи; волю же свою отсекаючи, темже и житие во обители Милосердия ко благу устрояла еси, непрестанно взываючи Богу: Аллилуиа.

### **Икос 7**

Новое чудо показа Господь, егда дарова ти, святая Елисавето, благодать и силу болезни врачевати, разслабленные укрепляти, бедствующим помогати, обидимых заступати. Ты же, облегчение и отраду страждущим содеваючи, немощным, всеми оставленным и увечным послужила еси со смирением и любовию. Темже и нас, грешных, твоею молитвою исцели и буди

нам ко спасению управительница, да благодарственно воспоем ти:

Радуйся, в послушании духовным отцем и великим старцем пожившая;

радуйся, Великою Матушкою людьми российскими нареченная.

Радуйся, дар немощных души врачевати от Бога стяжавшая;

радуйся, болящия и безнадежныя от одра болезни возставляющая.

Радуйся, вдовиц и сирот благосердая попечительнице;  
радуйся, алчущих питательнице и сущим в бедах скорая заступнице.

Радуйся, всеми презренных и отверженных не оставляющая;

радуйся, многия души от тьмы греховныя и погубили спасшая.

Радуйся, унывающим в скорбех и обстояниих мудрая утешительнице;

радуйся, и нас, удрученных болезнями и скорбьми укрепляющая.

Радуйся, кающимся грешником пред Богом предстательнице;

радуйся, людем Российским помощнице милостивая богодарованная.

Радуйся, святая преподобномученице Елисавето, красото Церкви Российския, невестою Христовою быти удостоенная.

## Кондак 8

Странное и страшное видение яви Господь духовнику обители Милосердия отцу Митрофанию. Ты же, о святая мати, сие видение изъясняючи, прорекла еси, яко велие и грозное испытание грядет на Церковь Русскую и державу нашу: святынь поругание, брань братоубийственная, смута велия, мученическая кончина Царския Семьи; но помилует Бог Россию по молитвам святых ея, с ними же ты ныне воспеваеши Богу: Аллилуиа.

## Икос 8

Вся благодатию Божественною просвещаемая, святая Елисавето, мысленными очима гневное посещение Божие страны нашея зрела еси и пророчески вещала еси, яко мнози мученицы и исповедницы в земли Российстей возсияют. Темже все упование на Божию Матерь возложить люди русския призывала еси, верующи, яко молитвами Ея устроится и благословится земля наша. Мы же, ведуще проречения твоего о судьбе Отчизны нашея сбытие ублажаем тя сие:

Радуйся, храм Покрова Пресвятыя Богородицы во обители Милосердия воздвигшая;

радуйся, тем в руце Пречистей Матери Господа обитель твою предавшая.

Радуйся, храмов Божиих устроительнице;

радуйся, к Богородице молитвеннице наша неусыпная.

Радуйся, церквам Божиим благодеевшая;

радуйся, ради жизни вечныя неусыпно потрудившаяся.

Радуйся, житием своим Богу и Пресвятей Деве Богородице верно послужившая;

радуйся, все упование возлагати на Бога нас научающая.

Радуйся, кротость, тишину и мир сердцам нашим подающая;

радуйся, благодатными дары Духа Святаго украшенная.

Радуйся, яко прозорливо предрекла еси великия скорби земли нашея;

радуйся, яко помилова ю Господь.

Радуйся, святая преподобномученице Елисавето, красото Церкви Российския, невестою Христовою быти удостоенная.

## **Кондак 9**

Вся любовию к Богу пламенеючи, святая Елисавето, не убоялася еси, егда приидоша во обитель тобою созданную безумнии людие, хотящии суд неправеден над тобою совершити. Ты же, Господом сохраняема, смерти тогда убегла еси, о вразумлении и просвещении неразумных и заблуждших молящися, Богу же во благодарении воспеваючи: Аллилуиа.

## **Икос 9**

Витии человеческих уста не возмогут достойно восхвалити крепость любви твоя во дни бед и напастей великих обышедших Отечество наше, егда не восхотела еси покинути Россию и обитель тобою созданную,



сестры тоя за веру православную даже до смерти стояти побуждающи. Мы же с любовию восхваляем тя:

Радуйся, землю нашу возлюбившая;  
радуйся, от людей российских с любовию прославляемая.

Радуйся, щитом веры во брани с врагом ограждати нас научающая;

радуйся, решимость Господу последовати крестным путем в нас укрепляющая.

Радуйся, сестры обители Милосердия в вере и надежде утвердившая;

радуйся, на подвиг мученичества за Христа их наставлявшая.

Радуйся, приобщитися страstem Христовым удостоившаяся;

радуйся, в исповедническом подвиге люди российские утверждающая.

Радуйся, от рова погибели мнози спасшая;  
радуйся, обители твоей и граду Москве помощнице, покрове и защитнице.

Радуйся, любви жертвенней, вечней нас научающая;  
радуйся, вшедшая в радость Господа твоего.

Радуйся, святая преподобномученице Елисавето, красото Церкви Российской, невестою Христовою быти удостоенная.

## **Кондак 10**

Спасительного подвига ищущи, святая Елисавето, с радостию благодарила еси Бога, яко сподоби тя понести крест

Его. Темже просия победою вера твоя, егда, к Голгофе своей восходящи, непрестанно возглашала еси: «Слава Богу за все!». Умоли, о мати наша, да дарует нам Господь стяжати мудрость и силу за веру правую даже до смерти стояти и воспевати Ему едиными усты и едином сердцем: Аллилуиа.

## Икос 10

Стена неоторимая и заступление стране Российстей даровася святая икона Божия Матере Державная, юже прияла естъ во обители Милосердия святая Елисавета, яко знамение победы над миродержителями тьмы века сего. Сего ради и мы, все упование на Державную Владычицу Отчизны нашея возложивше, тебе яко истинную служительницу и послушницу Пречистыя Матере Господа восхваляем:

Радуйся, благодати и силы Божия исполненная;  
радуйся, благую часть избравшая, яже не отыметсЯ от тебе.

Радуйся, в кротости и смирении Божией Матери подражавшая;

радуйся, мудрая евангельская дево, елей благодати собравшая.

Радуйся, Пресвятая Девы Богородицы благоговейная почитательнице;

радуйся, у Престола Ея непрестанно за ны молящаяся.

Радуйся, образ самоотвержения нам явившая;

радуйся, друг друга тяготы носить нас научающая.

Радуйся, чрез земныя скорби и страдания в Царство Небесное вшедшая;

радуйся, любви и терпению в страданиях ради Господа всех научающая.

Радуйся, ангельски на земли пожившая;  
радуйся, унаследившая на небеси венец славы.

Радуйся, святая преподобномученице Елисавето, красото Церкви Российския, невестою Христовою быти удостоенная.

### **Кондак 11**

Пение молебное Божией Матери возносила еси, святая Елисавето, в день празднования Иверския иконы Ея, егда взяша тя нечестивии и в темницу ввергоша. Ты же благодарила еси Христа Бога нашего, давшего тебе не точию еже в Него веровати, но и по Нем страдати, в узах темничных воспеваючи Ему: Аллилуиа.

### **Икос 11**

Свет Божественный осия тя, страстотерпице святая, княгине Елисавето, купно с преподобномученицею Варварою, о Христе сестрою твоею и с прочими страстотерпцы именитыми, егда в глубокий ров ввержена сущи, тамо раны Великаго Князя Иоанна обвязала еси, страдания умирающих облегчала еси воспеваючи священные песнопения, за убивающих же тя молилася еси: «Отче, отпусти им, не велят бо, что творят». Уврачуй и наших душ раны, о мати наша, да с любовию воспоем ти:

Радуйся, мученическую кончину свою предуведевшая;  
радуйся, страстотерпице царственная.

Радуйся, в день памяти преподобнаго Сергия стра-  
stem Христовым приобщившаяся;

радуйся, силою Божественною в страданиях укреп-  
ляемая.

Радуйся, за мучителей своих, Христу подражаючи,  
молившаяся;

радуйся, до самыя кончины твоя песнь Богу вос-  
певавшая.

Радуйся, кровию своею землю нашу оросившая;  
радуйся, к сонму новомучеников Российских со-  
причтенная.

Радуйся, яко лику преподобных и праведных жен  
приобщилася еси;

радуйся, святых благоверных княгинь земли Русския  
достойная сонаследнице.

Радуйся, жертво непорочная, благоприятная, Богу  
принесенная;

радуйся, со всеми святыми земли нашея торжеству-  
ющая.

Радуйся, святая преподобномученице Елисавето,  
красото Церкви Российския, невестою Христовою  
быти удостоенная.

## **Кондак 12**

Благодати исполнении сосуди явишася честныя  
мощи ваша, святыя преподобномученицы Елисавето  
и Варваро, ихже от поругания и безчестия спасти хо-  
тяще, благочестивии людие из России во Святый град  
Иерусалим пренесоша и в веси Гефсиманийстей на



горе Елеон погребоша, к нимже приходящие ублажают вас, воспевающе Богу, дивному во святых Своих: Аллилуиа.

## Икос 12

Света небеснаго и благоухания чуднаго храм святых мироносицы Марии Магдалины во Иерусалиме исполнися, егда гроб с телом Великия Княгини Елисаветы открывша. Темже ныне Церкви Православныя чада вси радуются и ликуют о Господе, притекающе к раце мощей твоих, преподобномученице Елисавето, чудеса точащих всем верующим, и благодаряще прославльшаго тя Господа поют сице:

Радуйся, яко мощи твоя, во Святый град Иерусалим принесенныя, процветоша нетлением;

радуйся, мощами твоими Святую Землю с землею Российскою духовно соединившая.

Радуйся, явлением мощей твоих Церковь Русскую возвеселившая;

радуйся, тем находящихся в разсеянии российских людей духовно укрепившая.

Радуйся, у Гроба Господня погребенная;

радуйся, во храме святых жены-мироносицы Марии Магдалины упокоенная.

Радуйся, яко мощи твоя исцеляют всякия скорби и болезни;

радуйся, свидетельнице вечности в жизни временней.

Радуйся, венец добродетелей в себе соединившая;

радуйся, неисповедимыми судьбами Божиими прославленная.

Радуйся, Горняго Иерусалима обитательнице блаженная;

радуйся, ко Иерусалиму Небесному всем нам путеводительнице.

Радуйся, святая преподобномученице Елисавето, красото Церкви Российския, невестою Христовою быти удостоенная.

### **Кондак 13**

О великая страстотерпице, жен российских украшение и радости наша, княгине милостивая Елисавето, приими воздыхание сердец наших, с любовью тебе приносимое, и твоим предстательством ко Господу дух правыя веры и благочестия в нас укрепи, в добродетели и милосердии нас утверди, помози крест скорбей с терпением и надеждою понести, в любви и согласии народ наш сохрани, да сподобимся в радость Господа внити, со Ангелы и всеми святыми поюще Ему: Аллилуиа.

*Сей кондак читается трижды, затем икос 1: «Ангельскою любовью...» и кондак 1: «Избранная от рода державного...»*

# Молитва ко святым преподобномученицам Великой Княгине Елисавете и инокине Варваре

О святые новомученицы Российския, Великая Княгине Елисавето и сестро ея крестовая, пречестная инокине Варваро, купно путь свой во мнозех муках скончавшия, Евангельския заповеди делом во обители Милосердия совершившия, веры ради Православныя подвизающися до смерти в последняя времена сия, и добрый плод в терпении страстей Христу принесшия! Молитесь Ему, яко Победителю смерти, да утвердит Церковь Русскую Православную и Отечество наше, кровию и страданьми новомучеников искупленные, и не даст в расхищение врагом России достояния нашего. Се бо лукавый враг вооружися на ны, хотя нас погубити в междоусобных бранех, скорбех, нестерпимых печалех, болезнях, нуждах и бедах лютых. Умолите Господа низложить вся немощныя дерзости их; веру в сердцах людей российских укрепите, да егда найдет на ны испытания час, мужества дар восприимем вашими молитвами, отвергшеся себе и взявше крест свой, последуем Христу, распинающе плоть свою со страстьми и похотьми. Сохраните нас от всякого зла, освятите пути жизни нашея, даруйте покаяние нелицемерное, тишину и мир душам нашим, испросите

у Господа всем нам мытарств горьких и вечныя муки  
избавитися и Небесному Царствию наследники быти  
со всеми святыми, от века угодившими Богу, да ра-  
дующеся воздадим хвалу, честь и поклонение Отцу  
и Сыну и Святому Духу во веки веков. Аминь.



## Житие святой преподобномученицы Великой Княгини Российской Елисаветы

Святая преподобномученица Великая Княгиня Елисавета Феодоровна – дочь Великого герцога Гессен-Дармштадтского, внучка английской королевы Виктории. В этой семье детей воспитывали по-английски строго: приучали к простой одежде и пище, к работе по дому, много времени уделялось урокам. Родители вели широкую благотворительную деятельность и постоянно брали с собой детей в больницы, приюты, дома для инвалидов. Принцесса Елисавета особенно отличалась любовью к ближним, серьезным, глубоким характером.

В девятнадцать лет она стала невестой российского Великого Князя Сергея Александровича, пятого сына Императора Александра II. Венчание состоялось в церкви Зимнего дворца в Петербурге.

Великая Княгиня занималась изучением русского языка, культуры и истории России. Для принцессы, которая выходила замуж за Великого Князя, не требовалось обязательного перехода в Православие. Но Елисавета Феодоровна, оставаясь еще протестанткой, пыталась как можно больше узнать о Православии, видя глубокую веру мужа, который был очень благочестивым человеком, строго соблюдал посты, читал книги Святых Отцов и часто ходил в храм. Она все

время сопровождала его и полностью выстаивала церковные службы. Она видела радостное состояние Сергея Александровича после принятия им Святых Таин, но, будучи вне Православной Церкви, не могла с ним разделить эту радость.

Великая Княгиня очень много размышляла о вере, пытаясь найти истину, читала книги в уединении (вообще она тяготилась светскими развлечениями), молилась Господу о вразумлении. В 1888 году Сергею Александровичу было поручено быть представителем Российского Императора на освящении храма святой равноапостольной Марии Магдалины в Гефсимании. Елисавета Феодоровна поехала вместе с ним, радуясь возможности на Святой Земле помолиться о том, чтобы Господь открыл ей Свою волю. Увидев этот храм, она сказала: «Как я хотела бы быть похороненной здесь».

Постепенно она пришла к твердому решению принять Православие. Она писала отцу, который с острой болью воспринял этот ее шаг: «Вы должны были заметить, какое глубокое благоговение я питаю к здешней религии. Я все время думала и молилась Богу о том, чтобы Он указал мне правильный путь, и пришла к заключению, что только в этой религии я могу найти всю настоящую и сильную веру в Бога, которую человек должен иметь, чтобы быть хорошим христианином. Это было бы грехом – оставаться так, как я теперь, – принадлежать к одной церкви по форме и для внешнего мира, а внутри себя молиться и верить так, как и мой муж. Вы не можете себе представить, каким

он был добрым, он никогда не старался принудить меня никакими средствами, предоставляя все это совершенно одной моей совести. Он знает, какой это серьезный шаг и что надо было быть совершенно уверенной, прежде чем решиться на него».

«Эта перемена религии многих, я знаю, заставит поднять крик, но я чувствую, что это приблизит меня к Богу. Я знаю все ее догматы и буду с радостью продолжать их изучать. Ты называешь меня несерьезной и говоришь, что внешний блеск церкви очаровал меня. В этом ты ошибаешься. Ничто внешнее не привлекает меня, и не богослужение, но – основа веры. Внешние признаки только напоминают нам о внутреннем. Я перехожу из чистого убеждения; чувствую, что это самая высокая религия и что я делаю это с верой, с глубоким убеждением и уверенностью, что на это есть Божие благословение».

Таинство Миропомазания было совершено 12 (25) апреля 1891 года на Лазареву субботу. Великой Княгине было оставлено прежнее ее имя, но уже в честь святой праведной Елисаветы, матери святого Иоанна Предтечи.

В 1891 г. Великий Князь Сергей Александрович был назначен генерал-губернатором Москвы. Его супруга должна была присутствовать на приемах, концертах, балах. Но не это приносило радость Великой Княгине: ее душа стремилась к делам милосердия, она посещала больницы для бедных, богадельни, приюты для беспризорных детей, раздавала еду, одежду, деньги, стремилась всячески облегчить условия жизни несчастных.



В 1894 году сестра Елисаветы Феодоровны, Алиса, вышла замуж за Наследника Российского престола Николая Александровича, который вскоре стал Императором. В Православии она получила имя Александра.

В 1903 году Николай Александрович с Александрой Феодоровной и Сергей Александрович с Елисаветой Феодоровной были на Саровских торжествах в честь прославления великого русского святого, преподобного Серафима Саровского, которого всегда очень почитали.

В 1904 г. началась русско-японская война. Елисавета Феодоровна, имевшая уже хороший опыт благотворительности, стала одним из главных организаторов помощи фронту. Ею были устроены специальные мастерские, под которые были заняты все залы Кремлевского дворца, кроме Тронного. Тысячи женщин трудились здесь за швейными машинами и рабочими столами. Отсюда на фронт посылали продовольствие, обмундирование, медикаменты, подарки. На свои средства Великая Княгиня сформировала несколько санитарных поездов, устроила в Москве госпиталь для раненых, создала специальные комитеты по обеспечению вдов и сирот погибших солдат и офицеров. Она также организовывала отправление на фронт походных церквей со всем необходимым для совершения богослужения.

Однако русские войска терпели поражение за поражением. Политическая обстановка в России все более накалялась. Часто можно было слышать революционные лозунги, призывы к забастовкам. Появились тер-



рористические организации. Боевая организация эсеров приговорила к смерти Великого Князя Сергея Александровича. Елисавета Феодоровна знала, что ему угрожает смертельная опасность, она получала анонимные письма, в которых ее предупреждали, чтобы она не сопровождала своего мужа, если не хочет разделить его участи. Но она старалась по возможности не оставлять его одного.

5 (18) февраля 1905 г. Сергей Александрович был убит бомбой, брошенной террористом Иваном Каляевым. Через три дня Елисавета Феодоровна приехала в тюрьму, где содержался убийца. Она сказала, что принесла ему прощение от Сергея Александровича и просила его покаяться. В руках она держала Евангелие и просила почитать его, однако Каляев отказался. Но все-таки она оставила в камере Евангелие и маленькую иконку, сказав: «Моя попытка оказалась безрезультатной, хотя, кто знает, возможно, что в последнюю минуту он сознает свой грех и раскается в нем». Затем Великая Княгиня обратилась к Императору с прошением о помиловании Каляева, однако прошение было отклонено.

С момента кончины супруга Елисавета Феодоровна не снимала траур, держала строгий пост, много молилась. Ее спальня превратилась в монашескую келью: была вынесена дорогая мебель, стены были перекрашены в белый цвет. Великая Княгиня собрала все свои драгоценности и часть их отдала в казну, часть – родственникам, а часть употребила на постройку Марфо-Мариинской обители милосердия.

Она долго работала над уставом обители, желая возродить древний институт диаконисс, ездила в Зосимову пустынь, чтобы обсудить проект со старцами. В 1906 г. она познакомилась со священником Митрофаном Сребрянским, человеком высокой духовной жизни, который принял активное участие в составлении устава обители и стал ее духовником, так как соответствовал всем высоким требованиям. «Для нашего дела отец Митрофан – благословение Божие», – говорила Елисавета Феодоровна\*.

В основу Марфо-Мариинской обители милосердия был положен устав монастырского общежития. Сестер обучали основам медицины, главной их заботой было посещение больных и бедных, оказание помощи брошенным детям.

В больнице обители работали лучшие специалисты. Все операции проводились бесплатно. При обители действовала бесплатная столовая для бедных, прекрасная библиотека, которой мог воспользоваться каждый желающий, был создан приют для девочек-сирот.

Елисавета Феодоровна вела жизнь подвижническую. Она спала на голых деревянных досках, тайно носила власяницу, вкушала только растительную пищу, много молилась, мало спала, однако всячески старалась это скрывать. Великая Княгиня всегда все делала сама, не требуя помощи от других, участвовала в делах обители, как рядовая сестра. Она очень

---

\* Отец Митрофан Сребрянский прославлен в лике Новомучеников и Исповедников Российских

любила совершать паломничества по святым местам. По свидетельству знавших Елисавету Феодоровну, Господь наградил ее даром рассуждения, открывал ей и картины будущего России.

Она также продолжала заниматься благотворительной деятельностью и вне стен обители, посещать несчастных в разных больницах и приютах. Во время первой мировой войны Великая Княгиня занималась формированием санитарных поездов, устройством складов лекарств и снаряжения, отправкой на фронт походных церквей.

Первое время после октябрьского переворота обитель не трогали. Великая Княгиня, остро переживая происходящие страшные события, однако, отказывалась от предложений выехать за границу, желая разделить судьбу своей страны, которую глубоко любила (в одном из писем она писала: «Всеми фибрами души я русская»).

В апреле 1918 г., на третий день Пасхи и день празднования Иверской иконы Божией Матери, Елисавету Феодоровну арестовали и увезли из Москвы. С нею поехали две сестры – Варвара Яковлева и Екатерина Янышева. Их повезли в Пермь. Великая Княгиня писала сестрам: «Ради Бога, не падайте духом. Божия Матерь знает, отчего Ее Небесный Сын послал нам это испытание в день Ее праздника, Господь нашел, что нам пора нести Его крест. Постараемся быть достойными этой радости. Как угодно было Богу, так и сделалось. Да будет имя Господне благословенно навеки».



Последние месяцы своей жизни Великая Княгиня провела в заключении, в школе на окраине города Алапаевска. Она посвящала все время молитве. Сестер, сопровождавших свою настоятельницу, привезли в областной совет и предложили им идти на свободу, но они умоляли вернуть их к Великой Княгине. Тогда чекисты стали пугать их пытками и мучениями, которые предстоят всем, кто останется с ней. Варвара Яковлева ответила, что готова дать подписку даже своей кровью, что желает разделить судьбу своей настоятельницы.

Глубокой ночью 5 (18 июля), в день обретения мощей преподобного Сергия Радонежского, Великую Княгиню Елисавету Феодоровну вместе с другими членами Императорского Дома бросили в шахту старого рудника. Когда озверевшие палачи сталкивали Великую Княгиню в черную яму, она молилась: *Господи, прости им, ибо не знают, что творят* (Лк. 23; 34). Затем чекисты стали бросать в шахту ручные гранаты. Один из крестьян, бывший свидетелем убийства, говорил, что из глубины шахты слышались звуки Херувимской, которую пели страдальцы перед переходом в вечность.

Елисавета Феодоровна упала не на дно шахты, а на выступ, который находился на глубине 15 метров. Рядом с ней нашли тело Иоанна Константиновича, сына Великого Князя Константина Константиновича, с перевязанной головой. С тяжелейшими переломами и ушибами она и здесь стремилась облегчить страдания



ближнего. Пальцы правой руки Великой Княгини Елисаветы и инокини Варвары оказались сложенными для крестного знамения. Скончались они в страшных мучениях от жажды, голода и ран.

Останки мучениц в 1921 г. были перевезены в Иерусалим отцом Серафимом, игуменом Алексиевского скита Пермской епархии, другом и духовником Великой Княгини, и положены в усыпальнице храма святой равноапостольной Марии Магдалины в Гефсимании. Погребение Новомучениц совершал Патриарх Дамиан. Мощи их оказались частично нетленными. Патриарх Иерусалимский Диодор благословил совершить торжественное перенесение мощей из усыпальницы в сам храм святой Марии Магдалины.

В 1992 г. Архиерейским Собором Русской Православной Церкви преподобномученицы Великая Княгиня Елисавета и инокиня Варвара были причислены к лику святых. Память их празднуется в день их кончины – 5 (18) июля.



**Информационно-издательский отдел  
Екатеринбургской епархии (343) 269-75-40**

**Лицензия ИД №03900 от 02.02.2001**

**Тираж 5000 экз.**

**Отпечатано в типографии Екатеринбургской епархии  
г. Екатеринбург, ул. Репина, 6. Тел.: (343) 269-75-40  
<http://orthodox.etel.ru> e-mail: [baibakov@etel.ru](mailto:baibakov@etel.ru)**



